



DEO OPTIMO MAX.

UNI ET TRINO,

VIRGINI DEI - PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUODLIBETARIIS DISPUTATIONIBUS,
*manè discutienda, in Scholis Medicorum, die Jovis decimā-nonā
mensis Decembris, anno Domini M. DCC. XLVIII.*

M. JACOBO BARBEU DUBOURG,
Doctore Medico, Præside.

An præcipua sanguinis Officina, Pulmo?

I.



ITÆ fomes & instrumentum sanguis. Fœcundæ instar sca-
turiginis microcosmum irrorat, fovet, nutrit. Succus dul-
cis, mollis, ferè in infinitum fecundus. Duas in illo partes
reperire est conspicuas, obviasque sensibus, serum & crassa-
mentum. Prius cum aquosam complectitur sanguinis portio-
nem, tum lymphaticam, ex quâ proximè nutritio. Ubi
leni calore turgescit, agitur in bullas, abiturque partim in vaporem, partim

A

in gelatinosam densatur substantiam, tandemque in ossas veluri, pellucidas, & cornu similes lamellas concrevit. Posterius duplici constat substantiâ, purpureâ nimirum & fibrosâ. Purpurea, congeries est globulorum rubentium ex aliis tenuioribus conflatorum. A coacervatis ejusmodi globulis, rubicundus sanguinis color. Pars altera crassamenti fibris distincta est retis in modum implicitis. In ejus loculis serum & globuli rubri delitescunt. Crassioribus constat ponderosioribusque moleculis, quibus præceps volatilium impetus cohibetur, adedque citatior eorum effluxus miris modis reprimitur. Hæc dum perpetuo circuitionis motu attenuatur atque migrat in serum, recentis appulsi chyli usque restituitur. Quisquis locum novit in quo purpureus hic latex maximè conteritur; certè germanam retexerit sanguinis officinam, & in divini liquoris quasi sacrarium penetravit.

I I.

NI H I I. O felicioꝝ recentioꝝ industria quàm veterum, in excogitandâ hæmatoseos causâ. Nodum illi per fermentum, hi per jecur, refecant: neutri solvunt. Imò verò ut circuitus illius mirifici inscitia hos à culpâ quodammodò vindicat, sic illos invicta *Harvæi* experimenta turpi errore premunt. Ecquid enim adversetur magis circuitui quàm fermentatio, motui totius quàm principiorum, progressivo quàm expansivo? Qualia chyli, talia videas & sanguinis instrumenta. Molari-bus primùm dentibus, dein musculosis ventriculi fibris tunduntur alimenta in chylum; simili prorsus ratione partium solidarum oscillationes repetitæ, varique anfractus quos subire cogitur sanguis, debitam ipsi impertiunt naturam. Dubitas? Nonnè quò tenuior sanguinis substantia, eò ferè ad obeunda munia corporis accommodatior? Fibra sanguinea ritè contrita capillares meatus pervadit; succus nutritius sero dilutus, omni ex parte comminutus & ad vasorum usque oscula delatus, erumpentium furtim particularum jacturam resarcit. Quanquàm autem cor & arteriæ in sanguinis opificio partes suas agant, vasa tamèn pulmonaria ab aëre compressa præcipuum hæmatoseos opus sibi vindicant, tanquàm primaria hujus instrumenta.

I I I

RESPIRATIONIS materies, aër; organum, pulmo, cujus moles; figura, numerus diversis in animantibus diverso se habent & mirabili modo. Hic verè ludens natura luxuriat. Testudinis pulmo ad infimam usque ventris inferioris partem pertingit. In insectis omnibus multiplices tracheas arterias per totum corpus disperfas, arteriarumque more divi-fas, observes. Octodecim pulmones in papilionibus animadvertuntur. Et quidem inclytam illam corporis organici partem natura solers præparandis succis ita necessariam duxit, eâ ut plantas carere non passa sit. Enimverò plantæ per vascula patula, flexilia, atque ex lamellis vel squammatim dispositis, vel in spiræ modum contortis conflata sic videntur, ut ejusmodi vasculis, pulmonum ritu, aërem sorbeant, quo deinde

3
fucci nutritii solutio perficiatur. Mira in homine pulmonum compages, visu non præclara minus quam usu. Coalescit nimirum ex levissimis tenuissimisque membranarum, quæ extensæ sinuantur in infinitas penè vesiculas; istæ autem sic inter se disponuntur, ut ex trachæa in vesiculas, ex alterâ vesiculâ in alteram aditus pateat liber, omnesque tandem in membranarum continentem desinere videantur. Hæ porro capsulæ quamplurimis ductibus sanguineis interiùs scitent, exterius verò vasis constant in reticuli modum contextis, & ita gracilibus ut pro staminibus nervosis habita fuerint. Quantulæ sint sanguinis moleculæ, quæ tam arctos, sinuosos, (quales nullibi reperire sit) meatus transcurrunt, quantaque sit vis ædis in sanguinem irruentis per tot derivatum canaliculorum mæandros, cui vis attendenti pater.

IV.

CAVENDUM imprimis ne fucum incautis faciat vis elastica cordis à Neoterici meritis decantata. Cor certè musculus est virtutis non spernendæ. Ipsi quoque aortæ suis instructæ carnosæ fibræ vegetus admodum motus. Neque tamèn est quòd cum pulmone de palmâ contendat. Huic datum est præcipuum quoddam regni corporei munus exercere, fontemque vitæ sanguinem conterendo perficere. In corde unius momenti pressio, & in singulas sanguinis partes unica. Neque verò dixeris in capillaribus aortæ ramulis æquè ac in pulmonaribus incidi sanguinis particulas: illic enim systoles diastolesque motus admodum videtur remissus, nulla est irruentis æris actio, nulla pressio. Nec mirum: ibi enim homogeneæ particule sibi invicem adhærent, reliquasque tantùm elabi sinunt: extrema verò vasorum pulmonarium non ad secernendas, sed ad conterendas, comminuendas, miscendasque moleculas natura comparavit. Atque hinc est quòd fuerint eo contextus artificio elaborata, ut ad industriæ specimen non minus quam ad corporis organici principem usum effecta dicas. Aër in pulmones delatus solâ vi percussione vesiculas aëri non pervias expandit; hæ naturali elatere extensioni obstant: quantus igitur indè sanguinis attritus duabus subiecti hinc & indè viribus, ductusque angustissimos, longissimos, maximeque tortuosos permeantis?

V.

INTIMAM sanguinis fabricam quisquis propius rimari voluerit, æmulam naturæ artem miretur in opificibus. Illi ut corpora quædam tenuissimum in pulverem comminuant, exiguum materiæ comminuendæ partem lapidi (quem porphiritem vocant) impositam alterius saxi collisu conterunt. Pari ratione sanguis alveos arctissimos pulmonumque vesiculis coextensos permeans, magis ab aëre comprimitur attenuaturque, quàm si potentioribus vasis spatiosè containeretur. Enimverò liquidum est corpus, solidorum pressioni obnoxium, quæ quidem si languesceret & remitteretur, illud motum & fluiditatem, id est, naturam præstantiamque amitteret. Cùm igitur per fermentationem nativa sanguinis pervertatur crasis, nec salia fermentescendo apta in eo reperire sit, nodum scirpo adscribis, qui ab

4

aliâ causâ quàm à solidorum tritu repetit sanguinis perfectionem. Ubinàm accuratiùs quàm in pulmone absolvitur, quo vigente viget, labefactato corrui innumeras ægritudines paritura sanguinis compages? Aliam assigna partem corporis aptiorem, ô perspicax naturæ indagator, qui repugnas. In pulmone à naturâ comparata est idonea organorum terentium suppellex, ibi arteriarum motus, ibi æris compressio, ibi vesicularum vivax mirabilisque agitatio; erumpens indè sanguis spumofus, coccineus, & tenuissimus.

Ergò præcipua sanguinis Officina, Pulmo.

DOMINI DOCTORES DISPUTATURI.

M. Ludovicus - Guillelmus le Monnier, Consiliarius Medicus Regis ordinarius & Regii Nosocomii San - Germani in Layâ, Regiarumque Franciæ, Londinensium ac Berolinensium Academicarum Socius.

M. Josephus - Exuperius Vertin, Valachia & Moldavia Principis Medicus Ordinarius, & Regiæ Scientiarum Academicæ Socius Veteranus.

M. Carolus Dionis.

M. Gedeon de Rabours:

M. Laurentius Ferret.

M. Joannes Midy.

M. Antonius Ferrein, Professor Regius & Regiæ Scientiarum Academicæ Socius,

M. Bartholomæus Murry:

M. Carolus Payen, Bibliotheca Facultatis Præfectus

Proponcbat Parisiis **JACOBUS - LUDOVICUS ALLEAUME**, Parisinus, Saluberrimæ Facultatis Medicinæ Parisiensis Baccalaureus, A. R. S. H. 1748, à sextâ ad meridiem,